

卷一



書名 宗子相集十四卷 嘉靖三十九年序刊本
 撰者 明 宗臣 撰
 卷 卷一
 內容分類 集-別集-明中葉
 索書號 集部-別集-7-104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部-別集-7-104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉

商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

所究研京東院學化女方東
No. 1708 三









宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵

同校刊

釣臺賦 有序

予聞嚴子釣臺舊矣丁巳秋予以叅
藩赴閩取道兩越始登厥臺徘徊焉
商飈西來萬山颯搖我心傷悲爰申
厥詞把酒放歌白雲莽互豈君之聞
歌而來哉

恭承 帝命以南邁兮弭吾節于富春
微霜之墮百草兮何芳杜猶菲菲其襲人
睇嚴陵之舊里兮釣臺鬱而嶙峋屯飄風
其相薄兮吹石瀨之磷磷宿莽搖落而變
衰兮予又安得問夫白蘋予將懷椒糈而
激臆兮蹇吾馬之逡巡而不前豈以沉淪
之俗羈兮乃不得以揖高士而執鞭惟炎
德之中天而興兮紛衆芳之雜糅以比肩
何佳人之夸姣以抗行兮乃獨抱孤貞而

自全充冕黼黻之玄以章兮蓀獨愛夫羊
裘焱鴻鵠之高翔兮聊寄吾跡于汀洲昔
傅岩之坂築兮武丁肖形以資厥猷非熊
之協帝夢兮渭叟起而佐周何帝之手詔
以忤愆兮羌獨偃蹇而夷猶故人之不忘
舊懽兮情恍惚而至乎帝庭何帝腹遽以
足加以太史奏之客星咄咄子陵之不肯
為理兮帝何獨惜夫沉冥蓀何高蹈而不
顧兮乃長揖以謝夫天子朝發軔于漢宮

兮夕稅駕于江沚有君如此其忍負兮蓀
豈亡親于厥旨痛韓彭之竟以烹醢兮勃
何辜而卒不免乎美里念盛名奇績之不
可以善終兮是用忍情而惜此蘭芷鳳凰
之回翔而不肯下兮豈網羅之所能施使
蛟龍可得而常服兮又何以卑牛馬而下
之睇江河之趨下兮喟高風日逝而不可
追悔故迹而連蜷兮悵吾生之獨後時往
者既已不可復兮冀來者之猶可為委予

珮之陸離兮掛吾冠于南斗之墟擊長虹
以為衣兮拾青露以為瑤托微誠于浮雲
兮蓀其攬瑤華而遲予望美人而不見兮
若獨立以踟躕亂曰維江有蘭美人植兮
白雲茫茫歸何晏兮平楚落日怨青楓兮
歸來乎山中吾與女嬉以遊兮

嘆逝賦代作

嗟天命之浩蕩兮總萬品而為型唯一炁
以回薄兮慨靈羣之不可以計停睨象卉

之峻茂兮芳草紛而獨馨何微霜之未墮
兮而馨溢其先零君燁燁其少揚兮握赤
珠而馳騫朝飲馬于文苑兮夕弭節于玄
圃既謁帝之間闔兮儼天門而廣步振
瓊英之雜佩兮散瑤華于中路奄分符以
南邁兮宰蒼生于東越遵邵杜之遺則兮
民蒸蒸其無艱鴻碩鬱其上聞兮爰降命
于北闕司冠之典邦禁兮惟女庶幾其慎
罰何君之蹇蹇以高厲兮指鳴佩于上官

返初服之江籬兮尋舊侶之桂叢志士不
能忘君兮念國事之倥傯羗重入乎承明
兮陪謨謀之從容錯帝章之璀璨兮統神
人而旁達爰申命于金馬兮日垂紳于紫
闥儼夔龍于天上兮攬芙蓉于池末艷球
琳之可拾兮紛組纓之可掇富貴之易以
盪情兮君獨守乎故常奉星辰之晨華兮
依日月之隆光當青鬢之盛年兮奄乘雲
以歸帝鄉悲回風之搖落兮攬木葉而露

裳豈厭世之溷薄兮乃投情于幽渚將逐
吳雲以南征兮或戀燕都而北止或上而
獨駕乎玄螭兮將下而隨流乎赤鯉幽明
聚散之永隔兮予誠不知其故令名之兼
壽考兮自古以為難期回憲之不得永齡
兮千禩之所共悲予獨惜此芳艸兮乃不
得與衆卉而共萎陳一詞以托浮雲兮聊
寄予之遙思

宗子相集古調歌卷之二

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵

同校刊

池上歌寄諸子二首

芙蓉搖落兮驚素秋簫鼓殷殷兮泛中流
瞻彼滄洲兮狎白鷗美人不見兮使我愁
安得與美人相逢兮採萱草以忘憂

其二

蒹葭蒼蒼兮露為霜秋風颯颯兮明月光